



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCXC. Gherd und Friedrich von Wustrow verkaufen einem Bürger Salzwedel's Wiesenpächte aus Deutsch - Grabenstedt, am 15. Juni 1459.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

CCCLXXXIX. Der Rath zu Salzwedel bekundet den Verkauf einer Rente aus Ziehhentig an das Hospital St. Georg in Salzwedel, am 28. Mai 1459.

Wie Erbrecht schernekow, Claws moller de older, wilhelm bormester, Claws rekeling, tide Hans wolter, Borchard bode, hoyer berteld, tide boek, Hans rodenzee, Henning cramer, kersten schulte, tide wolter wolters, lambert bode, wicherd schermer, Hermen lystenn, Hans boek, Hinrik grote Jan, Arnd berndes, Radmanne to Soltwedell, Bekennen openbar in disseme briue tugende vor alzweme, dat vor vns is gewesen Hans droge wonhafflich In deme dorppe ctzytenisse, vor vnser stad Soltwedill belegen, vnd hefft vorkofft recht vnd redelken to eynem rechten erfkope In synem hufz dar fulues belegen ene mark penninge jarliker renten soltwedilcher weringe Erbrecht schernekowen, vorstenderen Sunte Jurgen, vor vnser stad belegen, vnd synen nakomeren vorstenderen, vor vesteyn marc penninge der fuluen weringe, de de eme woll to dancke bereydet. Disse marc penninge Jarliker renten scall de genomde Hans eddir besitter synes vorbenomden hufes deme genomden Erbrechte vnd synen nakomelingen vpp Sunte Jurgen behuff alle Jar to veer tyden des Jares, alsze to sunte michaelis dage, to winachten, to paschen vnd to sunte Johannis bapusten dage, to ysliker tyd veer schilling penninge, entrichten vnd betalen sunder vortoch vnd weddersprake, doch syk vnd synen eruen den weddirkopp hyr ane to beholdende der marc penninge vorbenomd, alsze to welkerer tyd dem fuluen Hans edder syns hufes besitter dat beqweme is, mogen sy vnd schullen deme genomden erbrechte vnd synen nakomelingen vppe Sunte Jurgen behoff de vorschreuen vesteyn marc penninge Houetstuls mit den bedageden nastelligen renten entrichten vnd betalen. Wannar dat denn also is geschien, alzdenn scal em vnde synes hufes besittere sodanne marc penninge jarliker renten wedder qwyd vnde fry syn. To orkunde isz vnser der oldenstad Ingesegel gehenget an disen breff. Na godes bort verteynhundert Jare, dar na lme negenvndvestigsten Jare, Ame mandage na des hilgen lichnames dage.

Nach dem Originale des Salzw. Archives XL, 49.

CCCXC. Gherd und Friedrich von Wustrow verkaufen einem Bürger Salzwedel's Wiesenpächte aus Deutsch-Grabenstedt, am 15. Juni 1459.

Wy Gherd van wustrouw vnd Frederick, syn Sone, Bekennen openbare tugende vor vnse eruen vnd vor allewem, dat wy rechte vnd redeliken to eynem rechten erfkope, so in dem rechten best byndende is, vorkost hebben vnd vorkopen myt kraft diesses breues, dem bescheyden manne Meyneken Ratherde, Borger to Soltwedel, synen eruen vnd hebbren dusses breues myt synen guden willen twe marck penninge vnd twe schillinge penninge Jarliker Rente An eyner haluen wisch by der mollen to dudeschen grauenstede, dar harde by belegen, den nu tor tyd meyet vnd winnet hoyer, Vnd In vnsem houe vnd houen to Dudeschen grauenstede, dar nu tor tyd kersten Alemann vppe wonet, eyn punt penninge Jarlikes pachtes,

Soltwedelscher werynge. Hiir vor heft vns vnd vnser eruen de genante Meyneke viffvndvertig marck penninge Soltwedelscher werynge tor nuge entricht vndd gegeben. Dusses vorbenomeden paches vnd Jarlike Renthe schullen vndd willen wy vargnanten van wuſtrou wnd vnse eruen dem gnanten Meyneke vndd syne tobefcreuen eyn recht were wesen vor allerleye Anſprake vnd byndere vnd en de benemen van eynem jewelken, wann vnd wo vaken en des nott vnd behuff deyt, vnd de gudere gelick andere vnſere eygen gudere vorbydden vnd vordegedyngen, vnd setten ene vndd syne tobefcreuen In de were myt kraft dusses breues der varſcreuen Renthe vnd Jarlikes pachte funder vnser vnd vnser eruen Inſage to brukende, Alzo dat de beſittere der wiſch ſchal alle Jar In den Achte dagen to pyngelſten geuen vnd bryngen meyneken edder syne tobefcreuen In syne woninge to Soltwedel twe marck penninge vnd twe ſchillinge vnd de beſittere der houen vppe alle ſunte Michaelis dage eyn punt penninge ok in syne woninge to Soltwedel: vnd weret, dat se varſetig worden vndd de jarlike Renthe vpp tyd vnd ſtede, ſo vargeroret iſs, nicht vt geuen; So magh de gnante meyneke edder syne tobefcreuen den pacht manen myt geſtlikem edder werlikem gerichte, wan vnd wo vaken en der not vnd behuff werd. Weret ouer, dat he edder syne medebenomeden dar ok ſuluen vmme panden edder panden laten wolden, dar willen wy en to behulpen ſyn, ſo vaken wy dar to geefchet werden: vndd weret dat de beſitter der wiſche de twe marck penninge vnd twe ſchillinge nicht vt geuen wolde, So mach de vilgnante Meyneke edder syne tobefcreuen eynen anderen buren dar vmmelanges belegen de wiſch vordon vnd vorhuren, de em den pacht to dancke kan geuen, dat ſchall wedder vns vndd vnse eruen nicht wesen. An deſsem vorſcreuen kope hebben wy vargnante van wuſtrou vns vndd vnser eruen de maght vnd gnade beholden, dat wy alle Jar, wan vns edder vnser eruen dat boqweme iſs, de varſcreuen Renthe wedder aff kopen mogen. Wan wy edder vnse eruen dat don willen, dat ſchullen wy meyneken edder ſynen tobefcreuen In den vier hilligen dagen vorkundigen to wynachten, Vnd in den Achtedagen to paſchen denne negiſtkomende ſchullen vnd willen wy vilgnanten van wuſtrou edder vnse Eruen dem ergnanten Meyneken edder ſynen medebenomeden An eynere ſummen geuen, betalen vnd bereyden in der Statt Soltwedel viff vnd vertig marck penninge Soltwedelscher werynge. Alle duſſe vorſcreuen Stucke vnd articule vnd eyne Jewelik beſunderen louen wy vargnanten Gherd vnd ffrederik van wuſtrou vor vns vnd vnse eruen dem ergnanten Meyneken Ratherde, ſynen Eruen vnd den hebbere dusses breues, myt ſynen guden willen In guden truwen ſtede vnd vaſte funder Jenigerleye hulperede vnd nigefunde, de duſſeme gegenwardigen breue vnd ſchriſte ſchedelick mochten wesen, funder alle liſt vnd geferde wol toholdende, Vnd hebben dusses to bekenntniſſe vnd mehrer wiſſenheyte vnse Ingeſegele vor vns vnd vnse eruen An deſſen breff hengen heten. Gegeuen na gadeſbortt vierteynhundert Jaer, dar na in dem negenvndveſtigelſten Jare, In Sunte Viti dage des hilligen Mertelers.

Nach dem Originale des Salz. Archives XVII, 7.